

四庫全書

史部

# 欽定四庫全書

史部

欽定大清會典則例卷八十一

詳校官檢討臣劉 炳

編修臣程嘉謨覆勘

總校官原任中允臣王燕緒

校對官中書臣袁文邵

謄錄監生臣李傳燮

謄錄監生臣趙鳴皋

欽定四庫全書

欽定大清會典則例卷八十

禮部

祠祭清吏司

一

陵寢

國家肇基

興京京城西北十里為

肇祖原皇帝陵

興祖直皇帝陵共一山稱

興京

陵

盛京城東南百二十里為

景祖翼皇帝陵

顯祖宣皇帝陵共一山稱

東京

陵

盛京城東北二十里為

太祖高皇帝陵稱

福陵

盛京城西北十里為

太宗文皇帝陵稱

昭陵各設

皇陵奉祀掌關防副關防尚茶尚膳內管領等官並各

執事男婦人役置牛羊圈設吏專飼犧牲設莊園以供粢盛菜蔬○崇德年間定歲暮清明日祭饗

興京

陵用牛一遣守

陵官行禮

東京

陵用牛二遣宗室覺羅大臣行禮

福陵用牛一羊二遣大臣一人行禮忌辰孟秋望日

萬壽聖節點香燭獻酒果均遣大臣一人奠帛讀祝  
行禮每月朔望致祭用牛一點香燭獻酒果不

讀祝奠帛遣守

陵官行禮○順治八年封

興京

陵山為

啟運山

東京

陵山為

積慶山

福陵山為

天柱山

昭陵山為

隆業山均從祀

方澤○又每



陵各設官員及守

陵人戶并定祭儀○十年議準

興京

陵

東京

陵元旦清明冬至用牛一孟秋望十月朔用羊一均獻  
酒果點香燭讀祝奠帛遣宗室覺羅大臣行禮  
每月朔望用羊一獻酒果點香燭遣守

陵官行禮

福陵

昭陵冬至之祭用牛一羊一豕一獻酒果點香燭奠帛

讀祝行禮忌辰清明歲暮孟秋望十月朔暨

萬壽聖節均獻酒果點香燭不讀祝奠帛遣守

陵官行禮○又議準

興京

東京

陵照

福陵

昭陵例停止元旦之祭豫於歲暮日行禮○十二年定

凡遇忌辰遣官三人於本

陵獻酒果點香燭致祭或遣在京官前往或遣

盛京官致祭具題請

旨○十三年題準

陵山週圍立界內禁止採樵○又題準謁

陵禮親王以下叅領輕車都尉以上若至

盛京並往來經過皆於

福陵

昭陵內門外叩謁行三跪九叩禮○十五年奉移

東京

陵改祔

興京

陵安葬

地宮罷積慶山祀典○十六年稱

興京

陵曰

永陵遣官致祭○十七年

諭興京有

四皇帝陵盛京有

太祖

太宗陵理宜躬親致祭乃朕躬在京不能依時前往可

將宗室內除數人居住盛京按時致祭著議政王大臣等會議具奏欽此遵

旨議準

福陵著宗室鎮國將軍一人覺羅三等輕車都尉一人前往居住

昭陵著輔國公一人覺羅三等輕車都尉一人前往居住至

永陵致祭著伊等輪流往祭○十八年建

永陵稱饗殿為

啟運殿門為

啟運門立

景祖翼皇帝

顯祖宣皇帝遷祔

永陵廟碑○康熙元年奉安

四祖

四后神牌於

啟運殿○二年建

世祖章皇帝陵於直隸遵化州之鳳臺山稱曰

孝陵

世祖章皇帝

孝康章皇后

孝獻皇后同日安葬

地宮封鳳臺山為

昌瑞山從祀



方澤○又題準

隆恩殿中一間寢室奉安

世祖章皇帝神位居左奉安

孝康章皇后神位居右右一間奉安

孝獻皇后神位均南嚮稱饗殿為

隆恩殿門為

隆恩門樓為

明樓上懸

孝陵牌匾每年以清明孟秋望冬至歲暮為四大祭祭

日奉

世祖章皇帝神位居中

孝康章皇后神位居左

孝獻皇后神位居右均南嚮

帝后同案奠獻行禮與

昭陵禮同○又題準

陵寢週圍立界界內禁止採樵設

孝陵官禮部設奉祀郎中工部設修理郎中兵部設守  
衛總管翼領防禦領催驍騎內務府設奉祀郎  
中等官及內監各執事男婦鑾儀衛設校尉二  
十四名戶部設庫尉二人領催一名禮工二部  
設各項人役三百二十餘名又置牛羊圈設吏  
以飼犧牲設莊頭二人各給地七頃二十畝園  
頭一人給地一頃五十畝以供米麵菜蔬

官員兵丁

員額詳見吏部  
兵部內務府

又除內大臣侍衛等守護

山陵○又奏準

孝陵四時大饗由

皇陵禮部設祝版香帛於龍亭校尉舁亭前列御仗恭  
送至

陵凡執御仗校尉皆乘驛馬所用米麵油蜜等項用驛  
車裝送每月朔望所供果品盛於黃盒酒尊盛  
於黃架前列御仗校尉舁送至

陵○是年議準改建

福陵

昭陵明樓寶城

地宮修理完竣前期一日各遣大臣一人以奉安祇

告讀文致祭一如大饗禮是日焚楮帛五千祭酒三

爵奉安

地宮禮成祭酒三爵

隆恩殿內安奉

神牌及神龕寶牀衾褥帷幔禪梳均照

太廟成式製造○又題準謁

陵禮凡有事往

盛京者三品以上官於

福陵

昭陵羅城門外行禮若遇致祭日二品以上官進城門

內隨守

陵官陪祭歸時行禮同○又定自分水嶺至鮎魚關寬  
天峪繫馬蘭口副將營兵週圍安設十八處堆

撥其風水內地看守四十二處堆撥繫副將總  
管一同稽察如遇軍政之期所屬守備千把皆  
繫副將考驗造冊申送總管翼領呈報兵部○  
三年奏準各

陵寢祭饗易豕為羊並酌定祭品○又議準謁  
陵禮凡往東路經由石門者王貝勒於

隆恩門外行三跪九叩禮守備直班官員啟

隆恩門貝子以下三品官以上行禮不啟門皆由奉

祀禮部官引禮回時不必進謁往湯泉者回時  
準其進謁若遇祭饗日免行禮○又議準每歲  
清明於各

陵上土十有三擔承祭官總管掌關防官率官兵共十  
有三人升

寶頂上土豫於界外取土貯各

陵垣外潔淨處候用○七年於

福陵



昭陵

孝陵各建立

聖德神功碑恭紀

列祖功德昭垂萬世○八年議準

福陵

昭陵停止宗室覺羅居住

四陵每年四時大祭遣多羅貝勒以下奉國將軍並覺

羅男以上前往致祭○又議準

盛京

三陵每年四時祭祀令奉天將軍副都統侍郎致祭每

祭豫期將職名開列具題

孝陵照見定例仍奏遣王公前往國有大慶祇告

各陵將和碩親王以下鎮國將軍並文武一品大臣以

上奏遣前往○九年

聖祖仁皇帝奉

太皇太后

仁憲皇太后率

孝誠仁皇后詣

孝陵先期欽天監擇吉日禮部具題內閣撰祝文祭文  
太常寺辦告祭品物宗人府題請扈從王以下  
宗室覺羅等官各部院題請扈從堂上官科道  
官各一人各部院酌委官屬兵部題請扈蹕官  
軍額數鑾儀衛備隨行儀仗戶部給扈蹕官軍  
行糧工部修理橋梁道路光祿寺豫辦

御膳供具教坊司設導迎樂

聖駕啟鑾前一日

聖祖仁皇帝躬詣

太廟行祇告禮不設鹵簿啟鑾日設騎駕鹵簿不作樂  
午門鳴鐘在京王以下文武各官咸常服於

午門外分翼跪送時

太皇太后

仁憲皇太后

孝誠仁皇后均由

午門出

長安左門

聖駕經由通州三河薊州等處地方文武官咸常服於  
道右百步外跪迎次日

駕發仍跪道右恭送其迎送各官吏部奏請朝見將至  
孝陵守

陵官員不直班者於興龍口之外道右跪迎至日行謁

陵禮

太皇太后

仁憲皇太后

孝誠仁皇后公主等先行

聖祖仁皇帝率王以下叅領侍衛等官隨後行進

昌瑞山紅門

太皇太后駕入

隆恩門至

明樓階前降輿

仁憲皇太后駕入

隆恩門至

隆恩殿階東南降輿

孝誠仁皇后至

隆恩門內燎鑪旁降輿公主等至

隆恩門外階下下車馬扈從婦女至三洞橋迤南下

車馬

太皇太后於方城上東旁坐祭酒舉哀

仁憲皇太后率

孝誠仁皇后暨公主等於

明樓前正中行六肅三跪三拜禮隨舉哀祭酒時行三

拜禮畢奉

太皇太后陞輿

還行宮

聖祖仁皇帝至下馬石牌降騎王以下各官均在五洞



橋迤北下馬恭謁行禮出乘騎還

行宮次日於

隆恩殿行大饗禮又次日於

寶城前設黃幄行焚楮帛讀文致祭禮恭奉

太皇太后

仁憲皇太后率

孝誠仁皇后公主等先行至

寶城前太常官讀祭文

聖祖仁皇帝祭酒行禮王以下各官於

陵寢門外均隨行禮如儀禮成

聖祖仁皇帝御行宮守

陵官員行朝見禮

聖駕回鑾設儀仗作樂經過地方文武官咸朝服跪道

右迎送至

行宮行朝見禮至京日

聖祖仁皇帝親詣

太廟祇告畢

還宮

午門鳴鐘不隨從王以下文武各官咸朝服於

午門外齊集跪迎候

聖駕還宮各退越二日

聖祖仁皇帝御太和殿設鹵簿大駕王以下文武各官

咸朝服進表慶賀○十年八月

聖祖仁皇帝恭謁

福陵

昭陵前期一日

聖祖仁皇帝躬詣

太廟行祇告禮次日

啟鑾設騎駕鹵簿不作樂

午門鳴鐘不隨從王以下文武各官咸常服於

午門外分翼齊集跪送王以下大臣出城恭送隨

從王以下宗室覺羅官各部院官扈從官軍及

各執事人員由各該衙門具題

聖駕經過地方文武各官咸常服於道右百步外跪迎  
次日亦於道右跪送其迎送各官由鴻臚寺題  
請朝見至

陵鴻臚寺豫行題請令守

陵官暨

盛京文武各官咸常服於道右跪迎至日恭謁

福陵行禮次日恭謁

昭陵行禮畢

聖駕還行宮次日恭詣

福陵

昭陵隆恩殿行大饗禮又次日於

福陵

昭陵隆恩殿前設黃幄焚楮帛行讀文致祭禮

因

寶城

前不能容  
設黃幄禮成

還宮先期鴻臚寺題請守

陵官員暨

盛京文武各官咸朝服於

崇政殿前序立行三跪九叩禮又令守

陵官員

盛京官員並老疾休致候補官員咸朝服於

大清門兩旁分翼齊集設騎駕鹵簿於

大清門前

聖祖仁皇帝御門陞座作樂

欽定四庫全書

賜燕頌賞畢各官均行三跪九叩禮次頌賞守

陵官軍

盛京官軍及老疾辭退官軍等畢

聖駕還行宮遣王暨內大臣前詣

永陵致祭如儀其祭

福陵

昭陵時

諸妃園寢亦照常致祭頤親王克勤郡王功臣直



義公費英東弘毅公額宜都武勲王揚古利忠  
義公圖爾格墓各遣大臣祭酒

聖祖仁皇帝回鑾時率王以下各官恭詣  
福陵

昭陵行告辭禮是日不啟正門

聖祖仁皇帝進旁門下馬諸王於旁門外下馬各官於  
紅柱前下馬

聖駕回鑾設儀仗作樂經過地方官咸朝服跪迎

聖祖仁皇帝往返均詣

孝陵祭酒行禮至京日恭詣

太廟行祇告禮畢

還宮

午門鳴鐘不隨從王以下文武各官咸朝服於

午門外跪迎候

聖駕還宮各退次日王以下文武各官進表慶賀○十

五年題準每月朔望

皇陵奉祀官點香燭行三跪九叩禮

萬壽聖節行禮同○又議準

孝陵祭品內不用豕

陵寢供獻酌定用五十盤

今六十盤

凡每年清明孟秋望

冬至歲暮

陵寢各遣官一人陳太牢俎豆上香奠帛獻爵讀文致

祭遣官由宗人府具題三月十八日

萬壽聖節及十月朔

陵寢獻酒果不讀祝奠帛遣守

陵官上香行禮各

陵寢忌辰行禮同以上由太常寺具題每月朔望

陵寢各獻羊一果實十二盤守

陵官上香行禮○十五年定忌辰祭

陵均令奉祀官行三跪九叩禮○十七年奉

旨

孝陵應用黃蠟改用白蠟○二十年營建

陵寢告成自沙河輦華城

殯宮奉移

孝誠仁皇后梓宮

孝昭仁皇后梓宮於三月初八日同安葬

寶城地宮稱

皇后陵寢設守

陵官員兵丁內府各執事男婦及牛羊吏置莊園凡四

時大饗及朔望奠獻行禮皆與

孝陵同○是年建

妃園寢設守衛官兵內府執事人等○二十一年

聖祖仁皇帝躬詣

永陵

福陵

昭陵致祭凡隨從王以下文武各官及官軍均由各該

衙門具題恭候

欽命隨往

聖駕啟行前一日祇告

奉先殿往返經由州縣守土官迎送至

盛京守

陵官員暨

盛京官員恭迎均如儀至日恭謁

福陵

昭陵並諏日行大饗禮次日行焚楮帛讀文致祭禮儀

均與康熙十年同

壽康太妃

宸妃

懿靖太貴妃園寢

聖祖仁皇帝親詣祭酒

康惠淑妃以下遣王等祭酒  
穎親王克勤郡王功

臣費英東額宜都揚古利圖爾格墓遣大臣讀

文致祭貝勒以下奉恩將軍以上一品官墓遣

官祭酒東京莊親王篤義剛果貝勒墓亦遣大



臣往奠○祭饗

福陵

昭陵禮成

聖祖仁皇帝恭詣

興京展謁

永陵親王以下一等侍衛三品官以上咸素服隨行禮  
聖祖仁皇帝由左門入至臺階下拜位行謁見禮其次  
日行大饗禮儀與

福陵

昭陵禮同

永陵內武功郡王恪恭貝勒墓遣大臣於

殿外兩旁設筵致祭禮成賞賚

永陵居住官員兵丁各有差次詣黑龍江地方望祭

長白山率諸王百官行禮禮成

聖祖仁皇帝還

盛京詣

福陵

昭陵祭酒回鑾往返均詣

孝陵祭酒

聖駕回京日

午門鳴鐘不隨從王以下文武各官咸朝服於

午門外跪迎是日祇告

奉先殿其王以下文武各官表賀奉

旨停止○二十六年

聖祖仁皇帝恪遵

孝莊文皇后遺命於遵化州

昌瑞山

孝陵之東南建造

饗殿後殿於二十七年四月十九日

安奉

太皇太后梓宮於後殿稱

暫安奉殿設奉祀禮部內務府郎中尚茶尚膳等官暨

旗員兵丁執事男婦四時大饗及朔望奠獻行  
禮皆與

孝陵同○二十八年奉移

孝懿仁皇后梓宮安葬於

皇后陵寢

寶城地宮○三十六年

諭

暫安奉殿非繫山陵地方既近嗣後凡忌辰致祭著照

四時大饗禮行欽此○三十七年

聖祖仁皇帝奉

仁憲皇太后詣

興京謁

永陵自薩爾滸地方由琉璃河

駐蹕

福陵東謁

福陵次謁

昭陵翼日致祭

福陵

昭陵

親臨勲臣揚古利費英東額宜都墓祭酒

賜守

陵官兵燕

回鑾入山海關謁

暫安奉殿謁

孝陵次至

仁孝皇后陵寢禮成奉

仁憲皇太后還京師○四十五年議準

皇陵祭祀關繫重大嗣後守

陵郎中員外凡遇出差必各畱一人在署辦事○四十

八年奏準二月二十六日清明祭

皇后陵寢是日值

孝昭皇后忌辰例應致祭察從前並無二祭相值之日



且忌辰無祭文今或將忌辰先行前一日致祭  
或二祭並於一日致祭具奏奉

旨著前期一日致祭○五十七年奉移

孝惠章皇后梓宮安葬於

孝陵之東

寶城地宮稱

孝東陵並擇吉安葬

諸妃及諸宮人於各墓設奉祀禮部工部內務府

等官暨旗員兵丁執事男婦如制

隆恩殿中寢室奉安

孝惠章皇后神位左室奉安

悼妃

恭靖妃

恪妃

端順妃神位右室奉安

貞妃

淑惠妃

寧懋妃神位均南嚮

明樓上懸

孝東陵牌匾歲以忌辰清明孟秋望冬至歲暮行大饗

禮是日奉

孝惠章皇后神位居中南嚮

四妃神位居左西嚮

三妃神位居右東嚮奠獻行禮皆與

孝陵同

諸妃奠獻咸用內監○六十年

聖祖仁皇帝以在位六十年躬祭

孝陵分遣

皇子祭告各

陵

盛京

祖陵遣

世宗憲皇帝率

皇子

皇孫詣

盛京

世宗憲皇帝祭

福陵

皇子祭

昭陵

皇孫祭

永陵

聖祖仁皇帝至

東陵日躬詣

暫安奉殿

孝陵

孝東陵展謁祭酒行禮如儀次日行大饗禮

聖祖仁皇帝躬祭

孝陵分遣

皇子祭各

陵一如時饗儀○六十一年十二月

諭朕念

皇考陵寢如照定例止令總管關防守護朕心實屬不  
忍將朕諸弟內一人封以王爵兄弟之子內二人封  
以公爵永代朕身守護外以大學士一人尚書二人  
侍郎二人領侍衛內大臣一人內務府總管一人副

都統二人散秩大臣二人乾清門侍衛四人御前侍衛四人侍衛四十人前往守護伊等有闕停補○又定凡駐守官員等令大學士總理事務侍衛令領侍衛內大臣內務府人員及內監等令內務府總管各管理前郎中舊用關防繳部將關防內增入

景陵字樣○雍正元年議準

皇陵一應守衛稽察等事宜各有專責分明各行管轄



今馬蘭口副將既經遵

旨改為總兵官其所屬綠營官兵繫看守

陵寢風水設立應停總管管轄嗣後仍照舊例守衛

陵寢

妃園寢大門三庫二處城門及收存冊籍庫並每次祭祀服役等事仍令總管管轄外其風水內地看守四十二處堆撥並自分水嶺至鮎魚關寬天峪周圍巡察十八處堆撥等事令總兵官

稽察如遇軍政之年所屬各員由該總兵官親身詳加考驗呈報兵部○是年內閣交出

御書

景陵碑文二道

明樓

殿門牌匾三件奉

旨不用鉤摹即以此刊刻欽此遵

旨議準竣工部鐫刻完工交欽天監選擇吉日先期祇

告

聖祖仁皇帝几筵屆期禮部堂官一人行禮恭懸牌匾

○是年六月遵

聖祖仁皇帝遺

旨以

敬敏皇貴妃從葬

景陵寶城地宮○九月初一日奉移

聖祖仁皇帝梓宮安葬於

昌瑞山

景陵寶城地宮

孝恭仁皇后同日祔葬○又題準

隆恩殿中一間寢室奉安

聖祖仁皇帝神位居中

孝誠仁皇后神位居左

孝昭仁皇后神位居右

孝懿仁皇后神位居左次

孝恭仁皇后神位居右次奉安

敬敏皇貴妃神位於右一間均南嚮

明樓上懸

景陵牌匾每年清明孟秋望冬至歲暮行大饗禮是日

恭請

帝

后神位南嚮

敬敏皇貴妃神位東嚮奠獻行禮皆與

孝陵禮同○二年清明節

世宗憲皇帝躬詣

景陵至日恭謁

暫安奉殿祭酒行禮如儀以次恭謁

孝陵

孝東陵畢恭謁

景陵特降

諭旨凡屬

聖祖仁皇帝諸

皇子

皇孫及當日親近大臣官員皆得進至

明樓前行禮舉哀○清明日行上土禮是日

景陵內務府總管荷土禮部太常寺堂官二人恭導

世宗憲皇帝至

明樓

親著黃布護履

躬荷土擔親王二人前後奉筐由左旁磴道升至石柵

闌

世宗憲皇帝膝行至

寶頂跪上土畢匍匐退行至

明樓除護履禮部太常寺堂官恭導

世宗憲皇帝詣

隆恩殿行大饗禮成由

隆恩殿東階降入



陵寢門至

寶城前舉哀畢

回鑾○三年十二月初十日恭奉

孝莊文皇后梓宮安葬

昭西陵寶城地宮○是年建

景陵

聖德神功碑遣大學士工部欽天監堂官相度立碑方

位奉

旨

世祖章皇帝碑文字跡似小

聖祖仁皇帝在位六十餘年功德隆盛文章字數甚多  
一碑不能盡載建立二碑一刻清文一刻漢文其碑  
若比

世祖章皇帝碑亭寬展恐有未安即或加寬必不可加  
高爾等詳議務期合宜欽此遵

旨議準照依

孝陵碑亭式樣建立二碑詳加相度方位繪圖進呈  
御覽鐫刻告成擇吉建立○四年

諭

皇考聖祖仁皇帝三年大禮已滿朕追念罔極深恩欲  
於

皇考忌辰每歲遵照三年內祭禮舉行朕終身永慕豈  
三年祭禮所能限況億萬臣民感戴

皇考深仁厚澤自古帝王罕能比並一切禮儀亦非定

制所得拘也朕舉行此禮自展思慕誠切之衷至與舊制合否皆不遑計此禮亦惟朕躬特行於我

皇考後世子孫不必奉為成例應行禮儀該部議奏欽此遵

旨議準每年

聖祖仁皇帝忌辰照周年祭祀例其內務府禮部工部太常寺光祿寺及有執事各該衙門先期奏請遣堂官前往屆期於在京王公大臣內或

陵寢王公大臣內恭候

欽命一人主祭在京王公各官三分之一遣往陪祭永  
遠遵行○八年奏準十一月十三日恭遇

聖祖仁皇帝忌辰適逢冬至請於十一日照周年禮致  
祭○十三年十月

諭據禮部以十一月十三日恭遇

皇祖聖祖仁皇帝忌辰或照

陵寢忌辰祭祀禮致祭或照四時大饗禮致祭之處具

奏朕思

皇考誠孝純篤哀慕無窮三年之後每遇

聖祖仁皇帝忌辰於

景陵祭祀之禮特加隆備並降

諭旨謂此禮惟朕躬特行之於

皇考後世子孫不得奉為成例但朕仰體

皇考孝思於

皇祖聖祖仁皇帝忌辰祭祀之禮意欲仍照舊例舉行

至於率親率祖理本同原孝饗明禋不容或異嗣  
後恭遇

列祖

列后忌辰應否遵照致祭

景陵之禮一體舉行以展報本追遠之意王大臣會同  
禮部定議具奏欽此遵

旨議準饗祀固在備物而典禮尤貴酌中謹按各  
陵寢四時大祭牲用太牢獻帛爵讀祝文致祭於

隆恩殿具朝服行禮從前

聖祖仁皇帝於

孝莊文皇后忌辰此禮行之最久原與各

陵忌辰祭祀之禮不同至遇

聖祖仁皇帝忌辰致祭

景陵乃奉

大行皇帝諭旨於定例外仍照周年禮致祭是以又有

不得奉為成例之



旨謹詳酌典禮今十一月十三日

聖祖仁皇帝忌辰應照

陵寢四時大祭用太牢獻帛爵讀祝文遣官承祭其承

祭官暨執事官照例具朝服行禮陪祀大臣官

員停其由京遣往在

陵官員咸令陪祀祝文交翰林院撰擬進

呈永遠遵行嗣後恭遇

列祖

列后忌辰皆照

陵寢四時大饗禮舉行○乾隆元年奏準

列祖

列后忌辰定為大祭增設莊頭二名共給地二十一頃

增設園頭一名給地二頃八十八畝○是年封

太平峪為

永寧山從祀

方澤○是年奏準特遣宗室將軍六人往駐

盛京給以田廬永遠承祭

三陵○又奏準

景陵妃園寢饗殿前增設抱厦大門外兩廂各增二間

○又奏準奉祀

泰陵禮部設於易州之北隔以易水恐夏秋水盛有礙  
祭典請以祝版房並應用乳牛圈移建於夏莊  
之左○二年奉

世宗憲皇帝梓宮安葬於易州

永寧山

泰陵寶城地宮

孝敬憲皇后同日合葬

敦肅皇貴妃從葬

御書

明樓殿門牌匾暨碑文二道均由工部鐫刻彩飾鐫成

之日先期祭告擇吉恭懸○又題準

隆恩殿中寢室奉安

世宗憲皇帝神位居左

孝敬憲皇后神位居右奉安

敦肅皇貴妃神位於右一間均南嚮

明樓上懸

泰陵牌匾每年忌辰清明孟秋望冬至歲暮行大饗禮

是日恭請

世宗憲皇帝

孝敬憲皇后神位南嚮

敦肅皇貴妃神位東嚮奠獻行禮皆與

景陵禮同○又定守

陵人員貝勒二人公一人大臣官員十人侍衛十人皆奉  
旨除往其奉祀禮部工部內府官暨守衛官兵內監  
執事男婦人役莊園均照

景陵例設立並鑄給關防○又奏準

昭西陵

孝陵

孝東陵

景陵相距甚近所設郎中等官無庸各立關防應將各

舊關防繳部別鑄給

孝陵奉祀禮部關防將各部院郎中暨

陵寢見在郎中選擬正陪引

見恭候

欽命一人掌管關防凡一切

陵寢事務令其會同各官辦理以馬蘭峪禮部衙門為

辦事公所照各部院章程設立經承二名每事立彙存案以期典禮畫一再

各陵寢贊禮讀祝等官禮儀殊不熟練應令掌關防郎中於祭祀閒暇時令其輪班來京赴太常寺演習俟一年後演習已熟停其來京每逢三六九日時加演習庶進退聲韻不至生疎再每年令太常寺堂官或於清明或於孟秋望前往

陵寢察看如有錯誤即將該員叅處○又奏準遣大學



士工部堂官各一人建立

泰陵

聖德神功碑○又奏準凡恭遇

皇帝親詣行禮典儀官贊執事官各共乃職贊引官  
贊就位至遣官行禮則典儀官贊排班就位未  
免參差應將贊排班就位贊進停止一如祭祀  
之儀行其元旦

萬壽聖節十月朔及忌辰之祭贊執事官各共乃職

並三獻爵均以贊引官一人兼贊與各祭不同  
應增設典儀官一人以昭畫一又每月朔望向皆  
陵寢掌關防官承祭獻茶畢上香退至丹陛嚮上立俟  
三獻畢行三跪九叩禮退不贊亦無導引官今  
各陵寢貝勒公王大臣輪流行禮恐儀節不齊應增贊  
禮郎二人導引仍不贊○又奏準清明

山陵增土因沿前明舊制俱負土十三擔往來二十餘  
次似覺煩數且十三擔並無取義恭擬每年清

明於各

陵皆增土一擔由西磴道升至石柵并為一筐但令承祭官一人敬謹奉筐而升祇跪上土於

寶頂仍由西磴道降庶踐履不致多人而保護鞏固之意益昭誠敬○又議準

泰陵牛羊圈亦請移於夏莊○是年

諭朕自幼齡仰蒙

皇祖慈愛撫育宮中又命

太妃皇貴妃

太妃貴妃提攜看視

兩太妃仰體

皇祖聖心思勤備極周至朕心感念不忘意欲為

兩太妃千秋之後別建園寢令王大臣稽察舊例  
王大臣奏稱古有別建園寢之例今若舉行於典  
禮允協朕奏聞

皇太后欽奉

懿旨允行可傳諭該部於

景陵附近之處敬謹相度擇地營造其規制稍加展拓以昭朕敬禮之意欽此○又奉

旨妃園寢朔望點香燭著內府官行禮○又

景陵妃園寢饗殿兩次間增造寢室牀龕並定

諸妃神位次序奉安

溫僖貴妃神位於中龕內居左

慧妃神位居右

惠妃神位次左

宜妃神位次右奉安

榮妃神位於西龕內居首次

平妃神位次

良妃神位次

宣妃神位四時大祭祝文內以次書○三年

駕詣

泰陵展謁行禮扈蹕王等至東旁山側紅柱下馬貝勒

以下去山稍遠下馬

駕至東廂南降輿禮部堂官恭導進

隆恩門左門

隆恩殿東旁入

陵寢門左門至

明樓前行禮祭酒舉哀如儀禮畢恭導由

陵寢左門出至東廂南乘輿還

行宮○次日清明

躬詣

泰陵親行上土禮畢於

隆恩殿行大饗禮○是年

躬詣

泰陵行禮儀與清明前一日展謁禮同○是日

皇太后率

皇后謁

泰陵



皇太后乘輿由

隆恩門入至

隆恩殿臺階東南隅降輿

皇后乘輿由

隆恩門入至燎鑪旁降輿扈從婦女於石橋旁下車

隨入

陵寢女官前導

皇太后

皇后由

隆恩殿東旁進

陵寢門左門至

明樓前行六肅三跪三拜禮興退立東旁女官進奠几

於正中

皇太后詣正中跪三祭酒每祭行一拜禮

皇后隨行禮畢

皇太后

皇后西嚮舉哀禮畢女官恭導至降輿處乘輿還  
行營次日於方城

明樓前設黃幄行三周致祭禮

皇帝親詣祭酒行禮如儀

詳見周  
年禮

○是年議準

端慧皇太子吉兆應稱

園寢饗殿五間及兩廡大門均覆綠瓦其塋地請  
委官於黃花山湯泉一帶地方敬謹相度○五  
年奏準恭進各

陵寢祝版由奉祀禮部敬謹送往止設前引官二人應

照在

京恭進祝版例用前引十人一例增設若本

陵寢贊禮郎筆帖式不數即於各

陵官員補足以昭畫一○六年奏準恭按

永陵

福陵

昭陵四時大饗

福陵

昭陵忌辰祭饗均由

盛京禮部於往駐

盛京宗室將軍六人內按名擬定正陪咨送太常

寺具題

欽命承祭行禮

永陵每月朔望令掌關防官上香行禮

福陵

昭陵每月朔望由禮部輪委宗室將軍二人行禮如

欽命後遇有事故無應補宗室將軍請於奉天將軍

副都統侍郎內酌補行禮將職名送太常寺奏

聞其小祭酌補行禮大臣照常注冊○是年奉移

成妃金棺於

景陵妃園寢安葬奉安

神位於饗殿東龕內居首○七年議準奉移

端慧皇太子金棺於朱華山園寢設內副管領一

人執事人二十戶尚茶尚膳八人各行人役六

名八旗防禦八人

內以一人委署翼領

驍騎四十名

內領催

一人委署驍騎校

四時致祭照

妃園寢例設讀祝官二人贊禮郎三人每祭令

各陵奉祀禮部郎中或員外郎一人輪流前往監禮○

八年奉移

愍惠皇貴妃金棺於

景陵之東稱

景陵皇貴妃園寢設內府員外郎一人禮部讀祝官二人贊禮郎三人看守驍騎校一人驍騎四十人尚茶三人尚膳四人執事人十有五戶均歸入景陵一例當差增設防禦四人同

妃園寢防禦八人共十有二人增設內監四人皆於兩處輪行走四時大祭及朔望之祭禮儀皆與

妃園寢同○又議準



盛京

三陵一例增設爵墊以備禮儀殿內應用白蠟祝案應設羊角鐙一以昭畫一○又奏準

三陵殿內陳設鑪餅五供及香合朝鐙應一式製造祭祀所用帷幕改用黃段以肅觀瞻○又覆準

皇帝躬祭

永陵殿宇雖覺稍狹惟奠帛爵宜照康熙三十七年之例停止拜褥亦照例鋪設

殿外其降

神之初應請

皇帝躬親上香以展誠孝以達馨聞再按舊例祭  
昭陵因帛案前隙地狹窄原有跪獻帛畢擇隙地行三  
拜之例似與典禮未協恭按

各陵隆恩殿大祀禮儀原與

太廟禮同會典開載

躬饗

太廟均繫獻帛官跪獻帛三叩獻爵官立獻畢各退是  
太廟帛爵並未載有親獻禮儀此次

躬謁

祖陵請遵照

太廟親祭典禮並請載入儀注於祭祀前期進

呈○是年八月

車駕躬謁

盛京

祖陵先期各衙門奏除扈從王公大臣官員先期一日親詣

奉先殿祇告啓

駕日陳騎駕鹵簿

午門鳴鐘在京不隨從王以下文武各官咸常服於

午門外跪送扈從王以下文武官皆隨行

車駕經過沿塗文武官各常服於道右跪迎如儀

駕至

興京

盛京文武官咸朝服至前塗跪迎朝鮮國王遣使

臣表請

起居

躬謁

永陵儀與康熙二十一年禮同次日行大饗禮如儀禮

成賞守

陵官員兵丁等有差是日

永陵內附葬之武功郡王恪恭貝勒墓各遣官致祭附  
近之覺羅等祖塋皆遣官往奠

駕至

盛京恭謁

福陵儀與康熙十年禮同次日行大饗禮成即往謁

昭陵儀與謁

福陵同是日

駐蹕行宮次日行大饗禮如儀其

福陵

昭陵之

壽康太妃

宸妃

懿靖太貴妃

康惠淑妃並公主園寢各遣官致祭○是年奉

皇太后謁

陵儀與康熙三十七年禮同

躬謁

祖陵禮成擇日

親臨功臣之墓奉

旨朕親奠克勤郡王等園寢據禮部援引

皇祖聖祖親奠功臣墳墓之例隨駕之皇子王等皆隨  
行禮此次隨駕之皇子王貝勒等應隨行禮具奏  
朕已降旨依議竊思從前隨駕之皇子王等皆繫



皇祖子孫是以均隨行禮此次隨行之王貝勒內有朕之叔輩或朕之兄弟輩非從前隨駕之皇子王等可比每祭酒時亦隨行禮似屬未便朕親臨祭酒功臣即為榮寵之至克勤王園寢王貝勒等仍隨往功臣揚古利等墳墓不必隨往此後朕之子孫若隨來朕降旨遵行再蒙古王額駙王大臣墳墓皆不必隨往著令禮部記載欽此是日

親臨克勤郡王功臣揚古利費英東額宜都之墓各

祭酒三爵又親王貝勒以及大臣等墓以次遣  
官往奠翼日禮部奏請遣官望祭

長白山

北鎮醫巫閭山及

遼太祖陵禮成

回鑾沿途官員咸朝服跪候迎送

駕至京

午門鳴鐘在京王以下各官咸朝服跪迎

駕還宮羣臣遙跪恭迎

皇太后還宮衆皆退次日

皇帝親詣

奉先殿祇告如前儀越二日禮部奏請行慶賀禮儀與

三大節朝賀同○又奏準嗣後太常寺堂官前

往

陵寢稽察辨別禮讀祝等官請會同

陵寢總理事務大臣一同稽察○九年奉移

順懿密妃金棺於

景陵妃園寢安葬奉安

神位於饗殿東龕內在

成妃神位之次○十七年奉移

孝賢皇后梓宮奉安於

昌瑞山勝水峪

寶城地宮稱

孝賢皇后陵寢

慧賢皇貴妃

哲憫皇貴妃同日安葬設奉祀禮部工部內務府  
郎中員外郎主事筆帖式等官暨守衛官兵執  
事男婦均如制一切工程事務歸并石門工部  
辦理其忌辰四時大饗及朔望祭儀均與  
各陵禮同○是年設立

孝賢皇后陵寢暨

慧賢皇貴妃

哲憫皇貴妃祭饗增給莊頭地七頃七十畝園頭地二頃一十五畝○十九年奉移

純裕勤妃金棺於

景陵妃園寢安葬奉安

神位於饗殿東龕內在

順懿密妃神位之次○是年

駕詣

盛京恭謁

祖陵先至吉林

親望祭

長白山畢詣

興京謁

永陵次日行大饗禮賞守

陵官員兵丁遣官致祭附葬之武功郡王恪恭貝勒墓

暨附近之覺羅等祖塋

駕至

盛京先謁

福陵次謁

昭陵皆於次日行大饗禮賞守

陵官員兵丁遣官致祭

福陵

昭陵之

壽康太妃

宸妃



懿靖太貴妃

康惠淑妃並公主園寢禮儀皆與八年同

皇太后率

皇后恭謁

三陵行禮並如八年儀又遣官致祭克勤郡王功臣揚

古利費英東額宜都墓

親祭

北鎮醫巫閭山遣官祭

遼太祖陵禮成

回鑾在京王以下各官咸朝服跪迎越二日禮部照

八年之例奏請

御太和殿行慶賀禮○是年議準展謁

祖陵之日

皇帝素服行禮大祭日

皇帝禮服陪祀及執事大臣官員咸朝服○又奏準

福陵

昭陵恭請祝版應用前引官十人如禮部官不敷即移  
取將軍衙門武弁其四時大祭

永陵啓運殿稍狹請將祝案設於檐下○二十年平定  
準噶爾遣

皇子王等祇告

昭西陵

孝陵

孝東陵

景陵

泰陵並告祭

孝賢皇后陵寢○又遣

皇子祇告

永陵

福陵

昭陵祭儀皆與康熙六十年同○二十二年奉移

定妃金棺於

景陵妃園寢安葬奉安

神位於饗殿東龕內在

純裕勤妃之次○是年奉移

淑嘉皇貴妃金棺於

孝賢皇后陵寢安葬奉安

神位於饗殿西龕內

哲憫皇貴妃之次

欽定大清會典則例卷八十

欽定四庫全書

欽定大清會典則例卷八十一

禮部

祠祭清吏司

大祀四

社稷壇

一春秋祭

社稷順治元年定每歲以春秋仲月上戊日祭

太社

太稷

太社以

后土句龍氏配

太稷以

后稷氏配壇中石

社主半埋土中仍設

太社



太稷

句龍

后稷氏神牌祭於

壇上每祭

壇上敷五色土中黃東青南赤西白北黑隨方築之  
設樂舞於壇門內壇下兩旁壇官各二人執長  
竿側立於壇東西以禦飛禽又備四神龕於壇  
下如遇風雨即以神龕覆護

神牌○八年定

皇帝親祭

社稷壇行飲福受胙禮○康熙三年秋祭

社稷壇恭遇

太宗文皇帝忌辰改期中戊日致祭○十六年春祭日

遇雨太常寺奏請行禮於拜殿奉

旨仍照常處行禮○雍正六年議準

太社

太稷神牌均高二尺五寸神座尺有五寸共高四尺  
邊豆案僅高尺有二寸較各壇稍低應將神座  
加高一尺安奉

神牌共高五尺以符土為五數之古制其邊豆等案  
應加高尺有三寸共二尺五寸以符五五之數  
配位神牌各高二尺四寸神座高尺有四寸邊豆  
案高尺有二寸應將神座及邊豆案均增高一  
尺以符體制○十二年議準

社稷壇東旁向不設案

太社神位

后土句龍氏神位司香官奉香盤拱立甚久恐有不能竭盡恭敬之處請照依壇西旁規制增設一案豫將香盤等物安於案上庶陳設整齊並昭誠敬○乾隆十八年奏準增撰

社稷壇祈雨報祭之樂樂章皆以豐為名○二十四  
年

諭朕此次親詣

社稷壇祈求雨澤禮部所開儀注內無薦玉之禮詢其原委則繫相沿舊規並無義意可考夫玉以庇廕嘉穀使無水旱之災載在傳記且於荅陰之義更為相稱著飭所司敬謹用玉將事以迓

神庥祭之日朕雨冠素服出右門御常輿由右一路行至金水橋應御輦處即步行至

壇行禮以申虔禱欽此

一直省府州縣祭

社稷壇順治元年定歲以春秋仲月上戊日致祭

雍正二年奏準直省府州縣祭

社稷壇府稱

府社之神

府稷之神在州縣則稱州縣每祭用黑色帛各一

白瓷爵各三羊一豕一鉶二簋二簋二籩四豆

四有司致齋二日屆期朝服祭於

壇○乾隆二年

諭直省府州縣社稷風雲雷雨山川諸神所在有司  
以時致祭所以肅祀典而迓休和禮至重也省會  
之地督撫司道駐劄同城向因禮文未載遂不與  
祭專屬府州縣官行禮朕思督撫司道等官均有  
封疆守土之任自當虔奉明禋為民祈報凡春秋  
致祭社稷風雲雷雨山川等壇督撫應率領闔屬  
文武大小官敬謹行禮提鎮道官駐劄之地一例

率屬陪祭其如何分別班次委官監禮及修理壇壝祭器之處該部詳悉定議具奏欽此遵

旨議準嗣後直省每逢祭祀之期省會之地督撫將軍都統副都統率領司道文武等官各按品級照例文官列東班武職列西班行禮布政使乃地方正印官仍令主祭其府州縣地方如有提鎮道官亦令各按品級分東西兩班行禮府州縣繫地方正印官仍令主祭前期即令主祭官



於教職內委監禮官二人佐貳雜職內委監視  
祭品官一人令其虔誠執事至直省

社稷風雲雷雨山川壇壝如有歲久應修祭器或有  
未備及歲久損壞者行令督撫轉飭地方如式修造  
以重祀典○十六年覆準直省


壇廟祭祀省會之地以布政使主祭督撫陪祀其  
有道官駐劄之府州縣地方以府州縣主祭道  
官陪祀不惟分班行禮陪祀者位尊主祭者秩

卑於禮制未協且使屬官因統率大員陪祀之  
故瞻顧跼蹐不克致敬盡誠達其精意嗣後直  
省

社稷風雲雷雨山川各壇春秋二祭省會令督撫  
主祭布政使以下陪祀其有道官駐劄之府州  
縣地方亦令道官主祭府州縣等官陪祀照直  
省丁祭督撫主祭之禮統歸畫一再督撫道官  
倘遇出巡時仍令布政使暨該地方正印官攝

祭至各將軍都統提鎮等皆繫武職仍照向例

陪祀



欽定大清會典則例卷八十一

# 欽定四庫全書

史部

欽定大清會典則例卷八十二

詳校官檢討臣劉 忻

編修臣程嘉謨覆勘

總校官原任中允臣王燕緒

校對官中書臣袁文邵

謄錄監生臣趙鳴皋

康熙六十年四月初六日奉

旨朕披覽史冊於前代帝王每加留意書生輩但知譏評  
往事前代帝王雖無過失亦必刻意指摘論列短長無  
一人為帝王公言者朕見歷代帝王廟每朝崇祀不過  
一二主或廟享其子而不及其父或配食其臣而不及  
其君皆因書生議論而定其未允當況前代帝王曾為  
天下主後世之人俱分屬臣子而可輕肆議論定其崇  
祀與不崇祀乎今宋明諸儒人尚以其宜附孔廟奏請

甚多至古帝王宜入廟崇祀從未有人奏請前代帝王  
皆無後裔後之君天下者繼其統緒即當崇其祀典朕  
君臨宇內不得不為前人言也朕意以為凡曾在位除  
無道被弑亡國之主此外盡應入廟即一二年者亦宜  
入廟崇祀爾等將朕此旨寫出會同從容詳議具奏欽  
此

康熙六十一年四月初三日奉

旨這所議應崇祀之處皆是但其中尚有應詳細斟酌者

明代甚近朕少時嘗問有明遺舊宦官愍帝無甚過失  
皆由萬厯泰昌天啟時衰微及至愍帝雖勵精圖治終  
不能補救也國之滅亡皆伊祖所壞於愍帝何涉裨官  
野史所載豈足為憑愍帝不可與亡國者一例同論而  
萬厯泰昌天啟實不應入崇祀之列至從前所配享之  
功臣大槩皆開國元勲居多如明之徐達不過一草莽  
武夫劉基係元之進士皆遭遇成功遂以元勲配享或  
有治安之世輔佐太平有功君國者反不得與配享之



列是皆未為允當大學士會同九卿詹事科道將此等處詳悉從容確議具奏欽此

乾隆四十九年七月初二日奉

上諭朕因覽四庫全書內大清通禮一書所列廟祀歷代帝王位號乃依舊會典所定有所弗愜於心敬憶皇祖實錄有勅議增祀之諭令查取禮部原議紅本則係康熙六十一年十一月內具題爾時諸臣不能仰體聖懷詳細討論未免因陋就簡我

皇祖諭旨以凡帝王曾在位者除無道被弑亡國之主此  
外盡應入廟即一二年者亦應崇祀煌煌

聖訓至大至公上自義軒下至勝國其間聖作明述之君  
守文繼體之主無不馨香妥侑不特書生臆論無能  
仰喻

高深即歷代以來升歆議禮未有正大光明若此者也乃  
會議疏內聲明偏安亡弑不入祀典而仍入遼金二  
朝不入東西晉元魏前後五代未免意有偏向視若

仰承

聖意而實顯與

聖諭相背朕意若謂南北朝偏安不入正統則遼金得國亦未奄有中原何以一登一點適足啟後人之訾議即因東西晉前後五朝有因篡得國擯而不列如操丕不得為正統之例殊不知三國時正統在昭烈故雖以陳壽三國志之尊魏抑蜀而卒不能奪萬世之公評至司馬氏篡竊以還南朝神器數易如宋武帝

崛起丹徒手移晉祚自不能掩其篡奪之罪其他雖  
祖宗得國不正而子孫能繼緒承休即為守文中主  
亦不可概從缺畧況自漢昭烈以至唐高祖統一區  
夏時之相去三百餘年其間英毅之辟節儉之主史  
不絕書又安可置而不論至於後五代如朱溫以及  
郭威或起自寇竊或身為叛臣五十餘年更易數姓  
中華統緒不絕如綫然周世宗承藉郭氏餘業憑有  
疆域尚不失為令主此而概不列入則東西晉前後

五代數百年間創守各主祀典缺如何以協千秋公  
論他若元魏雄據河北地廣勢強太武道武勤思政  
理講學興農亦可為偏安英主並當量入祀典以示  
表章朕前命館臣錄存楊維禎正統辨諭內詳晰宣  
諭以維禎所辨正統在宋不在遼金之說為是所以  
存春秋綱目之義見人心天命之攸歸且檢閱孫承  
澤春明夢餘錄所載明代崇祀古帝王位號原未列  
遼金二朝今帝王廟崇祀遼金而不入東西晉前後

五代似此互相入主出奴伊於何底是皆議禮諸臣有懷偏見明使後世臆說之徒謂本朝於歷代帝王未免區分南北意存軒輊甚失

皇祖降諭之本意也至明之亡國由於神熹二宗紀綱隳廢而法度弛愍帝嗣統時國事已不可為雖十七年身歷勤苦不能補救傾危卒且身殉社稷未可與荒淫失國者一例而論是以

皇祖睿裁將神熹二宗撤出而愍帝則

特令廟祀

褒貶予奪毫釐不爽實千古大公定論乃諸臣於定議時  
轉復將漢之桓靈增入豈未思炎漢之亡亡於桓靈  
而不亡於獻帝乎從前定議未將東漢全局詳審論  
斷轉使昏闇之君濫叨廟食所議未為允協夫自古  
帝王統緒相傳易代以後饗祀廟庭原以報功崇德  
至於嚴篡竊之防戒守成之主或予或奪要必衷於  
至當而無所容心於其間方協彰瘅之義所有歷代

帝王廟祀典著大學士九卿更行悉心詳議具奏並著於定議後交四庫館恭錄

皇祖諭旨並朕此旨於通禮廟饗卷首以昭殷鑒歷朝垂示萬年之至意欽此

乾隆四十九年七月二十八日奉

上諭據大學士九卿等會議增祀兩晉元魏前後五代各帝王一摺並聲請唐憲宗金哀宗應否一體增祀等語憲宗處唐中葉各鎮節度憑陵跋扈僭叛不臣



憲宗命將專征削平淮西厥功頗偉在有唐一代中  
尚屬英主其末年被弑係禍變猝乘與荒亂失德召  
變致衅者不同至金哀宗處衰弱之時國勢已不可  
問推其致敗之由實因熙宗海陵淫虐階厲哀宗自  
縊殉國與明之愍帝事同一例自應一體增祀餘俱  
著照所議行欽此